



Inatsisartunut Ilaasortaq
Stine Egede, Inuit Ataqatigiit
/Maani

Tunumi qilalukkat qernertat qaqortallu pillugit § 37 apeqqummut nr. 2019-065-imut akissut

Brevdato: 06-02-2019
Sagsnr.: 2019 - 2592
Akt-id: 9950015

Asasara Stine Egede

Postboks 1614
3900 Nuuk
Tlf. (+299) 34 50 00
Fax (+299) 34 54 10
E-mail: pan@nanoq.gl
www.naalakkersuisut.gl

Naalakkersuisunut januaarip 25-iani 2019-mi Tunumi qilalukkat qernertat qaqortallu pillugit apeqquteqarputit.

Apeqqutit uannut akisassanngortinneqarput.
Pinngortitaleriffimmit paasissutissat tunniunneqartut akissuteqarnermi tunngavigineqarput.

1. Tunumi qilalugaqatigiit qassiuppat?

Pinngortitaleriffiup paasissutissiisutigaa qilalukkat qernertat aasisarfii naapertorlugit qilalugaqatigiittut immikkoortinneqartartut. Tunumi qilalukkat qernertat aasisarfii Tasiilap, Kangerlussuup Ittoqqortoormiillu eqqaanniipput, avannarpasinnerusumilu qilalugaqatigiit ataatsit imaluunnit amerlanerit Nationalpark-ip avataaniittarlutik.

Tunumi qilalugaqatigiinnik qaqortanik peqarneranik maannakkuugallartoq takussutissaqanngilaq. Qilalukkat qaqortat ataasiakkaat Tunumi takuneqartarput, qularnanngitsumillu taakku Svalbard-ip eqqaaneersuupput.

2. Misissuinerit qanoq sukumiitigippat?

Tunumi Pinngortitaleriffiup qilalukkanik qernertanik misissuinerinut ilaapput kisitsinerit, pisarineqarsimasut misissorneqarneri, pinnguutitut tunngatillugu misissuinerit, nalunaaqutsiinerit qaammataasakkullu malinnaaffigineqarneri, kiisalu qilalukkat qernertat umiarsuarnit tassunga ilanngullugit sajuppillatsitsisarlu misissuinerit akornusersorneqarnerminnut qanoq qisuariartarnersut pillugit misissuinerit.

3. Qanga misissuinerit aallartippat, qanorlu akulikitsigisumik ingerlanneqartarpat?

Tunumi Pinngortitaleriffiup qilalukkanik qernertanik misissuineri siulliit 2008-mi ingerlanneqarput, sionnatigulli 1980-ikkunni 1990-ikkunnilu annikinnerusumik misissuisoqartarsimavoq. Ukiuni qulini kingullerni Ittoqqortoormiit eqqaanni misissuisoqartarsimavoq, nalunaaqutsiinikkut, malinnaaffiginninnikkut, misissugassanik katersinikkut, akornusersuinerinillu

misissuinikkut. Kisitsinerit Tasiilami/Kangerlussuarmi 2008, 2015 aamma 2016-imi ingerlanneqarput, Ittoqqortoormiini 2008, 2016 aamma 2017-imi ingerlanneqarlutik, Tunullu Avannaarsuani (Nationalpark-ip avataani) 2017-imi 2018-imilu.

4. Piffinni nunap immikkoortuini sorlerni, misissuinerit ingerlanneqartarpat?

Pinngortitaleriffiup oqaatigaa misissuinerit amerlanerit piniarfiusartuni, tassa Tasiilap eqqaani kangerlunnilu Kangerlussuup Ittoqqortoormiillu eqqaanni, ingerlanneqartartut. Taakkua saniatigut Kitaani misissuisoqartarpoq.

5. Misissuinerit nalunaaqutsersuinerinik tunngaveqarpat?

Pinngortitaleriffiup uppersarparaa uumasut nalunaaqutserneqartartut taamaalillutik qanoq iliorneri sumukarnerilu qaammataasakkut malinnaaffigineqarsinnaallutik.

6. Taamaangippat qanoq qulakkeerneqarpa qilalukkat ilaat piffimmiit nikinneq ajortut?

Pinngortitaleriffiup oqaatigaa qilalukkat qernertat piffimmit nikinneq ajortuunngitsut. Aasisarfimminnit (amerlanertigut kangerlunni) imaannarmilu ukiisarfimminnut ingerlasarput. Aasisarfimminnulli ukiut tamaasa utertarnerat nikinneq ajornerattut taaneqarsinnaalluni. Qilalukkat qernertat aasiffimminnut utertuarnerat Tunumi, Kitaani Canadamilu qaammataasakkut malinnaaffiginnikkut uppersarneqarpoq.

7. Naalakkersuisut allanik qulaani pineqartumut ilisimatitsissutissaqarpat?

Naamik.

Inussiarnersumik inuulluaqqusillunga
Med venlig hilsen



Erik Jensen